

AKHBAR : **Malaysian Tribune**
TARIKH : 26 Ogos 2024
SENTIMEN: Positif

MUKA SURAT : Online
HARI : Isnin

MALAYSIA TRIBUNE

Sukarelawan IPT bersihkan 500kg sampah di pesisir pantai Kuala Sungai Baru

ALOR GAJAH – Sukarelawan daripada lima Institusi Pendidikan Tinggi (IPT) Negeri Melaka, Perbadanan Tabung Pendidikan Tinggi Nasional (PTPTN) dan komuniti Kuala Sungai Baru berjaya mengutip sebanyak 500 kilogram (kg) sampah berupa buangan plastik di pesisir pantai Kuala Sungai Baru, hari ini. Program tersebut yang merupakan siri kedua program Santuni MADANI KPT@KSB adalah salah satu program di bawah inisiatif Santuni MADANI yang diumumkan oleh Perdana Menteri, Datuk Seri Anwar Ibrahim bagi meningkatkan potensi kampung dan keupayaan masyarakat menerusi libat urus berterusan dan pemantauan berkala.



Lima IPT yang terlibat dalam program ini adalah Universiti Teknikal Malaysia Melaka (UTeM), Universiti Teknologi MARA (UiTM), Universiti Islam Melaka (UNIMEL), Politeknik Melaka dan Kolej Komuniti Masjid Tanah. Selain sukarelawan KP, gotong-royong tersebut turut dijayakan

wakil Persatuan Permuafakatan Penduduk Islam Kuala Sungai Baru, serta Jawatankuasa Pembangunan dan Penyelarasan Dewan Undangan Negeri (JAPERUN) Kuala Linggi. Misi diketuai Ketua Setiausaha KPT, Datuk Seri Ir. Dr.Zaini Ujang bersama 500 sukarelawan itu turut diserikan dengan kehadiran Ketua Setiausaha Negara (KSN), Datuk Seri Shamsul Azri Abu Bakar.Hadir sama, Ahli Dewan Undangan Negeri (ADUN) Kuala Linggi, Rosli Abdullah, dan Ketua Eksekutif PTPTN, Ahmad Dasuki Abdul Majid. Selain membantu mengindahkan persekitaran serta meningkatkan kesedaran awam tentang pengumpulan dan pengurusan sampah, program ini juga penting untuk kajian dibuat serta langkah menyelesaikan isu alam sekitar. UTeM akan menggunakan maklumat berat sampah pada program ini sebagai kajian berkenaan komposisi sampah yang terkumpul dan akan mengemukakan cadangan penyelesaian bagi mengatasi isu tersebut.

[Sukarelawan IPT bersihkan 500kg sampah di pesisir pantai Kuala Sungai Baru - Malaysia Tribune](#)

<https://theedgemalaysia.com/content/advertise/mywaqafptpn-empowering-education-and-community-development>